

## CONSELLERÍA DO MEDIO RURAL

*Orde do 28 de abril de 2008 pola que se modifica a do 8 de novembro de 2000 sobre as condicións que deben cumprir para acollerse á denominación Viño da Terra de Betanzos os viños elaborados nesa comarca vitivinícola.*

O Regulamento (CE) 1493/1999 do Consello, do 17 de maio, polo que se establece a organización común do mercado vitivinícola determina, no seu artigo 51, que os Estados membros poderán establecer condicións para a utilización de indicacións xeográficas na designación dos viños de mesa. O seu anexo VII prevé que poderá utilizarse na designación dun viño de mesa con indicación xeográfica a mención viño da terra acompañada do nome da unidade xeográfica, non sendo nese caso obrigatoria a denominación viño de mesa.

Ademais, para esta categoría de viños é de aplicación o Regulamento (CE) 753/2002 da Comisión, do 29 de abril, que fixa determinadas disposicións de aplicación do Regulamento (CE) 1493/1999, no que respecta á designación, denominación, presentación e protección de determinados produtos vitivinícolas, dispoñendo no seu artigo 28 os aspectos mínimos que deben establecer as normas estatais de utilización da mención viño da terra.

Así, e dentro deste marco normativo, a Lei 24/2003, do 10 de xullo, da viña e do viño, recolle no seu artigo 19, de carácter básico, as condicións mínimas que deben cumprir estes viños. Posteriormente, o Real decreto 1126/2003, do 5 de setembro, polo que se establecen as regras xerais de utilización das indicacións xeográficas e da mención tradicional viño da terra na designación dos viños, concreta máis as ditas condicións.

Por outra parte, a Lei 2/2005, do 18 de febreiro, de promoción e defensa da calidade alimentaria galega, dedica o seu capítulo II do título III ás denominacións xeográficas de calidade, entre as que se inclúe a mención viño da terra.

No ámbito territorial de Galicia existen na actualidade tres indicacións xeográficas de viño da terra, entre as que se atopa o *Viño da Terra de Betanzos*, regulado pola Orde do 8 de novembro de 2000 (*Diario Oficial de Galicia* nº 224, do 20 de novembro), modificada pola orde do 21 de decembro de 2006 (*Diario Oficial de Galicia* nº 2, do 3 de xaneiro).

Así mesmo, para completar o marco legal vixente, hai que citar a Resolución do 22 de febreiro de 2001, da entón Dirección Xeral de Industrias e Alimentación da Consellería de Política Agroalimentaria e Desenvolvemento Rural, pola que se estableceron con carácter xeral as condicións para a utilización das indicacións xeográficas nos viños de mesa.

Porén, a evolución da denominación xeográfica *Viño da Terra de Betanzos* pon de manifesto a necesidade de mellorar e cambiar determinados aspectos

referidos ao seu funcionamento, co fin de garantir un maior control da orixe destes viños, das condicións da súa elaboración e da súa calidade. Por iso, considérase conveniente establecer unha nova regulación que modifique a anterior en determinados aspectos, para o logro dos obxectivos sinalados.

Por todo o anterior,

### DISPOÑO:

*Artigo único.-Modificación da orde da Consellería de Agricultura, Gandaría e Política Agroalimentaria do 8 de novembro de 2000.*

Mediante esta orde modifícanse determinados preceptos da Orde do 8 de novembro de 2000 sobre as condicións que deben cumprir para acollerse á denominación viño da terra de Betanzos os viños elaborados nesa comarca, modificada pola orde da Consellería do Medio Rural do 21 de decembro de 2006, e introdúcense novos preceptos, nos termos que a continuación se sinalan:

Un.- Modifícanse os artigos 7º e 8º da orde da Consellería de Agricultura, Gandaría e Política Agroalimentaria do 8 de novembro de 2000, que quedan redactados co seguinte teor literal:

«Artigo 7º.-*Órgano de control e certificación.*

O control e certificación do viño da terra de Betanzos será realizado polo Instituto Galego da Calidade Alimentaria (Ingacal). Porén, a vixilancia do cumprimento da normativa vixente en materia vitivinícola será realizada polos servizos provinciais competentes en materia de industrias e calidade agroalimentaria.

Artigo 8º.-*Obrigas xerais dos viticultores.*

Os viticultores que produzan uvas con destino á elaboración de *viño da terra de Betanzos* deberán:

a) Ter as viñas legalmente inscritas no Rexistro Vitícola de Galicia, con indicación de que a produción se pretende amparar baixo a denominación *Viño da Terra de Betanzos*.

b) Presentar a declaración anual de colleita de uva ante o Servizo Provincial do Fogga na Coruña, de acordo co establecido no anexo II do Real decreto 1227/2001, do 8 de novembro, sobre declaracións de existencias, colleita de uva e produción, do sector vitivinícola».

Dous.-Engádense, despois do artigo 8º, catro novos artigos á orde da Consellería de Agricultura, Gandaría e Política Agroalimentaria do 8 de novembro de 2000, co seguinte contido:

«Artigo 8º bis.-*Obrigas xerais dos elaboradores.*

Os operadores que elaboren viños que pretendan ser comercializados como viño da terra de Betanzos deberán cumprir as seguintes obrigas:

a) Ter inscrita a adega de elaboración no Rexistro de industrias agrarias da delegación provincial da

consellería competente en materia de agricultura na Coruña, sen prexuízo da súa inscrición noutros rexistros en que fose obrigatorio.

b) Comunicar ao órgano de control e certificación a data de recepción da vendima, cunha antelación mínima de sete días, coa finalidade de que poida ser sometida aos controis pertinentes. Así mesmo, tamén se notificará a data de remate da vendima nun prazo de 48 horas.

c) Presentar as declaracións de produción e existencias de cada campaña ante o Servizo Provincial do Fogga da Coruña, nas cales se incluírán as anotacións relativas ao viño da terra de Betanzos, de acordo co modelo establecido no anexo III do Real decreto 1227/2001, do 8 de novembro, sobre declaracións de existencias, colleita de uva e produción, do sector vitivinícola.

d) Presentar ao órgano de control e certificación, antes do 10 de decembro de cada ano, as declaracións de entrada de uva e de produción de viño na campaña, segundo os modelos que figuran nos anexos I e II, respectivamente, desta orde.

e) Ter a disposición da inspección de defensa da calidade alimentaria da consellería competente en materia de agricultura e do órgano de control e certificación, copia dos albarás ou facturas de venda dos produtos amparados pola denominación xeográfica *Viño da Terra de Betanzos*. Nestes documentos deberán quedar perfectamente identificadas as partidas vendidas por marca e lote, entendendo por lote o conxunto de unidades de venda dunha partida determinada, procesada en circunstancias idénticas.

f) Manter unha axeitada rastrexabilidade do produto, para o que se cumpriran as seguintes obrigas:

-O traslado ás plantas de embotellamento realizárase en envases de máis de 60 litros, xunto co correspondente documento de acompañamento en que conste a certificación da orixe expedida polo órgano de control e certificación.

-Levarase a contabilidade específica para estes viños e os produtos vitivinícolas utilizados na súa elaboración, mediante os correspondentes rexistros de entradas e saídas de graneis, sendo o modelo que se utilizará o que figura no anexo III desta orde, sen prexuízo doutros rexistros de contabilidade a que obrigue a normativa xeral.

Porén, aqueles elaboradores que comercialicen a súa produción e non exceda dos 3.000 litros/campaña poderán levar a contabilidade mediante anotación no reverso das súas declaracións anuais de produción.

-Faranse as anotacións e cubriranse os libros rexistro de entradas e saídas, dispoñendo de probas suficientes da exactitude de todas as mencións que se refiran á natureza, identidade, calidade, composi-

ción e orixe do viño e á procedencia e variedade das uvas empregadas na súa elaboración.

-Diferenciaranse coa lenda viño da terra de Betanzos os depósitos que conteñan este tipo de viños, indicando numeración, volume e as indicacións facultativas que se pretendan utilizar na súa comercialización, de acordo co previsto no Regulamento (CE) 753/2002.

-Remitirase ao servizo provincial competente en materia de industrias e calidade agroalimentaria na Coruña, copia dos documentos de acompañamento das partidas expedidas, coa certificación de orixe outorgada polo órgano de control e certificación.

-Con carácter xeral, deberase cumprir o disposto na orde da Consellería de Agricultura do 12 de xuño de 1996, pola que se regulan as normas de aplicación aos documentos que acompañan o transporte de produtos vitivinícolas e os rexistros que deben levarse no sector.

#### Artigo 8º ter.-*Obrigas xerais dos embotelladores.*

Os operadores que embotellen viños que pretendan ser comercializados como viño da terra de Betanzos deberán cumprir as seguintes obrigas:

a) Ter inscrita a adega no Rexistro de industrias agrarias e no Rexistro de envasadores e embotelladores de viños e bebidas alcohólicas da delegación provincial da consellería competente en materia de agricultura na Coruña, sen prexuízo da súa inscrición noutros rexistros en que fose obrigatorio.

b) Presentar ante o Servizo Provincial do Fogga na Coruña as declaracións de existencias de cada campaña, nas cales se incluírán as anotacións correspondentes ao viño da terra de Betanzos, de acordo co modelo establecido no anexo I do Real decreto 1227/2001, do 8 de novembro, sobre declaracións de existencias, colleita de uva e produción, do sector vitivinícola.

c) Ter á disposición da inspección copias dos albarás ou facturas de venda dos produtos amparados por esta denominación xeográfica.

Nas anteditas copias deberán quedar perfectamente identificadas as partidas vendidas por marca e lote de embotellamento, entendendo por lote o conxunto de unidades de venda dunha partida determinada, embotellada ou envasada en circunstancias idénticas.

d) Manter unha axeitada rastrexabilidade do produto, para o que se cumpriran as seguintes obrigas:

-Levarase a contabilidade específica para estes viños e os produtos vitivinícolas utilizados na súa elaboración, sendo os modelos para utilizar os que figuran no anexo III desta orde.

-Faranse as anotacións e cubrirase o libro de rexistro de embotellamentos sendo o modelo para utilizar o que figura no anexo IV desta orde, e, se é o caso,

o de entradas e saídas (anexo III), dispoñendo de probas suficientes da exactitude de todas as mencións que se refiran á natureza, identidade, calidade, composición e orixe do viño e á procedencia e variedade das uvas empregadas na súa elaboración.

-Diferenciaranse coa lenda viño da terra de Betanzos os depósitos que conteñan este tipo de viños, indicando numeración, volume e as indicacións facultativas que se pretendan utilizar na súa comercialización, de acordo co Regulamento (CE) 753/2002.

-Presentarase ante o servizo provincial competente en materia de industrias e calidade agroalimentaria na Coruña, con anterioridade á súa utilización, para o seu rexistro e verificación do cumprimento da normativa que lle é exixible, o modelo de etiqueta que se pretenda empregar, así como as súas modificacións. O dito servizo, nun prazo de quince días hábiles contados desde o día seguinte ao da súa presentación, emitirá informe, que será remitido ao interesado e ao órgano de control e certificación.

-Con carácter xeral, deberase cumprir o disposto na orde da Consellería de Agricultura do 12 de xuño de 1996, pola que se regulan as normas de aplicación aos documentos que acompañan o transporte de produtos vitivinícolas e os rexistros que deben levarse no sector.

Artigo 8º quáter.-*Sistema de control da orixe e calidade do viño da terra de Betanzos.*

1. Os operadores que queiran comercializar con destino ao mercado viño da terra de Betanzos solicitaránlle ao órgano de control e certificación, cos impresos indicados no anexo V, as contraetiquetas necesarias para cada partida de viño que pretendan embotellar, que serán subministradas unha vez realizadas as comprobacións pertinentes, sendo o modelo (na súa aplicación en branco e negro) o que figura no anexo VI desta orde.

2. O órgano de control e certificación poderá realizar análises físico-químicas e organolépticas, independentemente das que preceptivamente deberá realizar o operador. Como resultado destas análises o órgano de control e certificación poderá decidir non outorgar as contraetiquetas á partida de viño analizada, sen prexuízo da súa posible comercialización como viño de mesa, se cumpre os demais requisitos exixidos na normativa de aplicación.

Artigo 8º quíntas.-*Requisitos da elaboración, embotellamento e comercialización.*

1. Os viños que pretendan ser amparados pola mención viño da terra de Betanzos deberán ser elaborados e embotellados en instalacións situadas na área xeográfica de produción delimitada.

2. A adega comercializadora é responsable de que o viño que poña no mercado baixo a denominación xeográfica *Viño da Terra de Betanzos* cumpra coas condicións impostas nas súas normas reguladoras e

deberá dispoñer das probas que o acrediten respecto de todas as partidas de viño comercializadas.

Para iso, todos os lotes comercializados (entendendo como tal o viño identificado pola adega que presenta características homoxéneas) deberán ser sometidos ás necesarias análises químicas e organolépticas.

As análises poderán ser feitas cos medios propios da adega sempre que os resultados queden reflectidos nun documento que inclúa a identificación do lote. Este documento estará á disposición do órgano de control e certificación.

3. O embotellamento destes viños realizarase en botellas de vidro coas capacidades admitidas pola lexislación vixente.

4. Nas etiquetas comerciais incluírase, ademais das mencións obrigatorias que correspondan, a lenda viño da terra de Betanzos, na súa versión en galego ou en castelán.

As mencións da etiquetaxe presentaranse con caracteres claros, lexibles, indelebles e suficientemente grandes para que destaquen axeitadamente do fondo sobre o que se imprimen e para que se poidan distinguir claramente do conxunto das demais indicacións inscritas e grafismos utilizados».

#### *Disposición transitoria*

Produtos en curso.-Os viños acollidos ou que pretendan acollerse á denominación xeográfica *Viño da Terra de Betanzos* elaborados, almacenados ou postos en circulación antes da entrada en vigor desta orde que cumprisen a normativa preexistente, poderán ser comercializados ata o esgotamento das existencias.

#### *Disposición derogatoria*

Quedan derogadas as disposicións de igual ou inferior rango a esta orde no que se opoñan a ela, e en particular queda derogada a Resolución do 22 de febreiro de 2001 da Dirección Xeral de Industrias e Alimentación, pola que se fixan as condicións que deben cumprirse para a utilización das denominacións viño da terra do Val do Miño-Ourense e viño da terra de Betanzos.

#### *Disposición derradeira*

Entrada en vigor.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de abril de 2008.

Alfredo Suárez Canal  
Conselleiro do Medio Rural

**ANEXO I**

**Declaración anual de entradas de uva para a elaboración de viño da terra de Betanzos**

CAMPAÑA VITIVINÍCOLA ...../.....

ADEGA: \_\_\_\_\_ Nº R.L.A.: \_\_\_\_\_ Nº R.E.: \_\_\_\_\_

LOCALIDADE: \_\_\_\_\_ PROVINCIA: \_\_\_\_\_

ENTRADA UVA PROCEDENTE DE PARCELAS PROPIAS

CÓDIGO EXPLOTACIÓN VITÍCOLA-CODEV:

Pol.	Parc.	Sub.	Concello	Variedade/s	Total kg uva vinificación	Observacións/incidencias
Total						

ENTRADA UVA PROCEDENTE DOUTROS VITICULTORES (compras):

Nome do viticultor	CIF/DNI	Pol.	Parc.	Sub.	Concello	Variedade/s	Total kg uva vinificación	Observacións/incidencias
Total								

....., ..... de..... de 200..

**ANEXO II**

**Declaración de produción de viño da terra de Betanzos**

CAMPAÑA VITIVINÍCOLA ...../.....

ADEGA: \_\_\_\_\_ Nº R.L.A.: \_\_\_\_\_ Nº R.E.: \_\_\_\_\_

LOCALIDADE: \_\_\_\_\_ PROVINCIA: \_\_\_\_\_

ENTRADA NA ADEGA DE VIÑOS:

Tipo de viño B/T	Variedade	Viño litros	Observacións/incidencias

Total	Branco	
	Tinto	

....., ..... de..... de 200..

ANEXO III

Libro rexistro de entradas e saídas para viño da terra de Betanzos

R (CE) 884/2001

Dilixencia: de acordo co disposto no artigo 6 del Real decreto 323/1994, e na Orde de 12 de xuño de 1996 da Consellería de Agricultura, Gandaría e Montes, queda habilitado este libro, que consta de ..... folios selados polo Servizo Provincial de Control da Calidade Agroalimentaria e Industrias, para que baixo a súa responsabilidade o leve:

EMPRESA:

DOMICILIO:

LOCALIDADE:

PROVINCIA:

CIF/NIF:

Nº R.I.A:

R.E:

\_\_\_\_\_, \_\_\_\_ de \_\_\_\_\_ de 200\_.

O/A xefe/a do Servizo de Control de Calidade Agroalimentaria e Industrias

NOTAS:

(1) Tipo de documento:

D.A.A. segundo R(CEE) 2719/1992.

D.A.S. segundo R(CEE) 3649/1992.

Anexo I da Orde do 12-6-1996 da Consellería de Agricultura, Gandaría e Montes.

(2) Graduación adquirida, expresada en % vol.

(3) Graduación total, expresada en % vol.

As contas dos rexistros pecharanse o 31 de xullo de cada ano, coincidindo co inventario anual de existencias, de conformidade co artigo 13, punto 2, do R(CE) 884/2001. O 1 de agosto anotaranse como entradas as existencias contables. Se estas non coincidisen coas reais deixarase constancia deste feito e da regularización (artigo 10 do Real decreto 323/1994, do 28 de febreiro, e artigo 12 da Orde do 12 de xuño de 1996).

ENTRADAS

Table with 13 columns: Data, Documento de acompañamento (Clase (1), N° referencia), Procedencia, Zona vitícola, Mosto de uva fresca (Branco, Tinto), Viño da Terra de Betanzos (Branco, Tinto), Outros produtos (Desig., Cantidade), Graduación alcohólica (A(2), T(3)), Observacións.

Suma e segue .....

SAÍDAS

FOLIO Nº.....

Data	Documento de acompañamento		Destino	Zona vitícola	Mosto de uva fresca		Viño da Terra de Betanzos		Outros produtos		Graduación alcohólica		Observacións
	Clase (1)	Nº referencia			Branco	Tinto	Branco	Tinto	Desig.	Cantidade	A(2)	T(3)	
Suma e segue .....													

**ANEXO IV**

**Libro rexistro de embotellamentos para viño da terra de Betanzos R (CE) 884/2001**

Diligencia: de acordo co disposto no artigo 6 do Real decreto 323/1994 e na Orde do 12 de xuño de 1996, da Consellería de Agricultura, Gandaría e Montes, queda habilitado este libro, que consta de..... folios selados polo Servizo Provincial de Control da Calidade Agroalimentaria e Industrias, para que baixo a súa responsabilidade o leve:

EMPRESA:  
DOMICILIO:  
CIF/NIF:  
Nº R.L.A:  
R.E:

LOCALIDADE: PROVINCIA:

\_\_\_\_\_ , \_\_\_\_\_ de \_\_\_\_\_ de 200\_\_.

O/A xefe/a do Servizo de Control da Calidade Agroalimentaria e Industrias

As contas dos rexistros pecharanse o 31 de xullo de cada ano, coincidindo co inventario anual de existencias, de conformidade co artigo 13, punto 2, do R(CE) 884/2001. O 1 de agosto anotaranse como entradas as existencias contables. Se estas non coincidisen coas reais deixarase constancia deste feito e da regularización (artigo 10 do Real decreto 323/1994, do 28 de febreiro, e artigo 12 da Orde do 12 de xuño de 1996).

ENTRADAS EMBOTELLAMENTOS

Data	Designación produto embotellamento	Litros	Nº botellas	Capacidade botellas	Referencia numeración precintas	Lote de embotellamento
					/	
					/	
					/	
					/	
					/	
					/	
					/	
					/	
					/	
					/	
					/	
					/	
					/	
					/	
					/	
					/	
					/	
	Suma e segue .....					

SAÍDAS DE EMBOTELLAMENTOS

FOLIO Nº .....

Data	Documento comercial	Litros	Observacións
	Suma e segue .....		

**ANEXO V**

**Solicitud de contraetiquetas para embotellamentos amparados pola indicación xeográfica**

***Viño da Terra de Betanzos***

D/Dª: \_\_\_\_\_, con DNI \_\_\_\_\_ en representación da empresa \_\_\_\_\_ con domicilio en \_\_\_\_\_ en aplicación do artigo 11 da Orde do 15 de xullo de 1987 sobre as condicións que terán que cumprir para acollerse á denominación *Viño da Terra de Betanzos* os viños elaborados nesa bisbarra, modificada pola Orde do \_\_\_\_ de \_\_\_\_ de 2008, e tendo presentado en tempo e forma as declaracións de entradas de uvas e de produción indicadas nela,

**SOLICITA:**

As contraetiquetas correspondentes para a utilización na etiquetaxe das seguintes partidas de viño que foron elaboradas cumprindo o establecido na devandita orde.

Depósito	Litros	Tipo de viño (B/T)	Variedade	Envases (1)				Marca comercial
				0,375	0,50	0,75	*	

\*Outra capacidade permitida

(1) Indicar número de envases

....., ..... de..... de 200....

**ANEXO VI**

Modelo de contraetiqueta (na aplicación B/N) empregada no control da denominación xeográfica *Viño da Terra de Betanzos*:

